

## МОНГОЛ УЛСЫН СТАНДАРТ

Ангилалтын код: 65.020.40

Сөөгөнцөрийн суулгац. Ерөнхий шаардлага	MNS 6256 : 2011
Seedlings of bushy species. General requirement	

Стандартчилал, Хэмжилзүйн Үндэсний Зөвлөлийн 2011 оны 04 дүгээр сарын 28-ны өдрийн 25 дугаар тогтоолоор батлав.

Энэ стандартыг улсын бүртгэлд бүртгэсэн өдрөөс эхлэн мөрдөнө.

### 1 Хамрах хүрээ

Энэхүү стандарт нь хот, суурин газрын нийтийн эзэмшил, хязгаарлагдмал хэрэгцээний болон тусгай зориулалтын ногоон байгууламжийн талбайг цэцэрлэгжүүлэхэд зориулан мод үржүүлгийн газарт ургуулсан, ойгоос авах сөөгөнцөрийн суулгац (сургар, догор, хошоон бут зэрэг)-ыг сонгон ухаж авах, хамгаалах, савлах, хаяглах, тээвэрлэх, суулгах, шалгаж хүлээн авахад хамаарна.

### 2 Норматив ишлэл

Энэхүү стандартад дараах баримт бичгийг иш татсан бөгөөд эдгээр стандартад өөрчлөлт орсон тохиолдолд хамгийн сүүлчийн албан ёсны материалаас иш татаж хэрэглэнэ.

- MNS 6140 : 2010, Мод, сөөгний тарьц. Техникийн шаардлага

### 3 Нэр томъёо, тодорхойлолт

#### 3.1

#### Сөөгөнцөр

Гол ишгүй, үндэсний хүзүүнээс (газрын гадаргаас) дээш адил хэмжээний мөчир салаа ихтэй 0.5 метр хүртэл өндөртэй сөөг ургамал.

### 4 Ангилал

Сөөгөнцөрийн суулгацыг хэмжээ ба чанараар нь I, II, III дугаар зэрэг гэж 3 ангилна.

### 5 Техникийн шаардлага

5.1 Сөөгөнцөрийн суулгацын зэрэг нь 1-р хүснэгтэд заасан шаардлагыг хангасан байна.

Д.д	Үзүүлэлт	Хэмжээ ба шаардлага /зэрэг/		
		I	II	III
1	Гадаад байдал	Гадна талын өнгө байдал хэвийн шалбарч гэмтээгүй, өвчин хортонд нэрвэг сайтай байна.		
2	Хэлбэр	Титэм зөв хэлбэртэй		
3	Хэмжээ:			
	а. Сөөгөнцрийн өндөр метрээр	0,4 – өөс 0,5	0,3 – аас 0,4	0,2 – оос 0,3
	б. Үндсэн мөчрийн тоо	7-оос багагүй	6 – аас багагүй	5-аас багагүй
4	Үндэс:	Салаалсан үндэс ихтэй бөгөөд өсөлт, хөгжилт сайтай байхын дээр үржил шимтэй шорооны хамт байна.		
	а. Үндэстэй нь хамт авсан шороотой хэсгийн голч сантиметрээр	30-аас 35	25-аас 30	20-аас 25
	б. Үндэстэй нь хамт авсан шороотой хэсгийн зузаан сантиметрээр	25-аас багагүй	20-аас багагүй	15-аас багагүй

**5.2** Суулгацыг хавар газар гэссэний дараа 4 дүгээр сарын 15-аас 5 дугаар сарын 25-нийг хүртэл, намар ургал үе зогссоны дараа 10 дугаар сарын 1-ээс 11 дүгээр сарын 1-ний дотор шилжүүлэн суулгасан байна.

## **6 Шалгаж хүлээн авах**

**6.1** Суулгацыг хавар тарилт хийхээс өмнө буюу 5 дугаар сарын 1-р арав хоногт, намар 10 дугаар сарын 2-р арав хоногт багтаан шалгана.

**6.2** Стандартын шаардлага хангахгүй суулгацыг хүлээн авахгүй.

## **7 Боох, хаяглах, хадгалах, тээвэрлэх,**

### **7.1 Суулгацын үндсийг боох**

Суулгацын үндсийг хаталтаас хамгаалж 100 см урт, 100 см өргөн нийлэг хальс, тааран шуудайн дээр чийглэсэн үртсийг жигд тараагаад, суулгацын үндсийг шороон зуурмагт хутгаж, үзүүрийг нэг тийш нь харуулж тавиад суулгацыг өөр хоорондоо үрж холхихгүйгээр модны үртэс буюу шороогоор хөдөлгөөнгүй чигжисний дараа үндэсний хэсгийг таараар бооно.

**7.2** Суулгацыг 50-аас 100 ширхэгээр боож, хаягийг тээвэрлэлтийн үед тасарч гээгдэхээс хамгаалан боодлын гадна ба дотор талд зүүнэ.

### **7.3 Хаяглах**

Тарьц, суулгацанд дараах шошгийг нааж хаяглана.

- Тарьц, суулгацыг бэлтгэсэн байгууллага, аж ахуйн нэгжийн нэр,
- Стандартын дугаар,
- Зүйлийн нэр,
- Суулгацын тоо, ширхэг,
- Он, сар, өдөр.

#### **7.4 Хадгалах**

Мод үржүүлгийн газраас авсан суулгацыг тарих хүртэл түр хугацаагаар хадгалахдаа үндэсний хэсгийн чийгийг алдагдуулахгүйгээр нүх, шуудуунд хийж 15-аас 20 см зузаан чийгтэй шороо, элс, үртэсээр хучиж, нягтруулж хадгална.

**7.4.1** Намар хүлээж авсан суулгацыг өвөлжүүлэхдээ 30-аас 40 см гүн шанг салхины хөндлөн татаж, уг суулгацыг тэр нутгийн салхины зүгийн дагуу налуулж, нэг нэгээр эгнүүлэн тавиад, үндэсний хэсгийг 20-оос 30 см зузаан шороогоор хучиж, ханатал усална.

#### **7.5 Тээвэрлэх**

Боодолтой суулгацыг тээвэрлэхдээ босоо байдлаар эгнүүлэн тавьж доор нь 10-аас 15 см зузаан зөөлөвчтэй ачих бөгөөд боодлын хоорондох зай завсарт чийгтэй үртэс болон шороогоор чигжиж дүүргэнэ. Хол тээвэрлэх бол үндэсийг тогтмол чийглэж хатахаас хамгаална.

**7.5.1** Тээвэрлэлтийн хугацаа 3-аас 4 хоногоос илүүгүй байна.

**7.5.2** Суулгацыг авах, суулгахдаа агротехникийн шаардлагыг баримтлана.

**7.5.3** Суулгацын зэрэг бүхэнд хавсралтад дурьдсан паспортыг дагалдуулна.

**ТӨГСӨВ.**

## ХАВСРАЛТ

ПАСПОРТЫН <sup>1</sup>

Суулгацын нэр.....  
(суулгацын төрөл, зүйл, нас, хэсэг дахь ширхэг)

Өгсөн.....  
( мод үржүүлгийн газар, ойгоос )

## 1. Чанарын үзүүлэлтүүд

Суулгацын чанарын анги	Суулгацын техникийн нөхцөл буюу стандартын нэр ба дугаар	Суулгацын тоо	
		Ширхэг	Бүх хэсэг дэх хувь
I			
II			
III			

Суулгацыг ухаж Авсан хугацаа  
.....

Явуулсан хугацаа .....

Ой хамгаалагчаас суулгацыг явуулахыг зөвшөөрч олгосон баримт  
(ой хамгаалагчийн нэр, он, сар, өдөр <sup>1</sup>...)

## 2. Гарал

Суулгац сонгон авсан газар .....

(мод үржүүлгийн газар, аймаг, сум, газрын нэр)

Паспорт <sup>1</sup> ..... суулгацыг хэн хэдийд өгсөн .....

## 3. Ургуулах нөхцөл

Мод үржүүлгийн газрын нэр ба орших газар нь .....

Мод үржүүлгийн газрын хөрс .....

Суулгацын өвчин, хөнөөлт шавьжид нэрвэгдсэн байдал ба цаг уурын нөлөөллийн тухай тэмдэглэл .....

Паспорт олгосон .....он .....сар .....өдөр.....

Байгууллагын удирдагч .....

Хариуцлагатай мэргэжилтэн .....

201... оны ... сарын ... өдөр